

Սարատկի օգնութեամբ ետ է ստանում, սոցա հետ դնում է Մոնղոլիա, շատ հայ իշխանների օգնում կըն կըն: Ջալալը նշանաւոր է և իւր երկրից զուրս բարեգործական հաստատութիւններով իւր կըն Մամքանի հետ, որ Հաղբատայ Ջարեհ իշխանի քոյրն էր:

Չնայելով որ Ջալալը մակդիր է. «Բայց այդ մակդիրը այնպէս է կպել Հասանին, որ աւելի յաճախ միայն այդ անունով է կոչւում է առանց բուն անունն, հաւանօրէն բաւական բազմութիւ այլ Հասանների հետ չշփոթելու համար» (էջ 411) ասում է Օրբէլին: Մենք պիտի աւելացնենք և այն, որ Չնայելով այսօր էլ այդ ցեղի աղբանունը Հասան—Ջալալեան է, անշուշտ մեր Հասան—Ջալալի անունով, սովորաբար միայն Ջալալեան է կոչւում:

Արդ այս Ջալալի հայր Վախտանկ Տոնկիկը մի զարմանալի ձի պիտի ունեցած լինի: Վրաց տարեգիրները պատմում են, որ Թամարա Թագուհու մարդը՝ Դաւիթ Սոսլանը, Ջագամի ճակատամարտին, Շամքորի մօտ, նստել էր մի ձիու վրայ, որ գնել էր Վախտանգ Պաշենացուց, ոչ աւել և ոչ պակաս քան մի բերդ և մի գիւղ վճարելով (էջ 407):

Խնդիրն այն չէ, թէ որքան պատմական է այս դէպքը, այն էլ բաւական է, որ ժամանակի մատենագիրներ հաւատացել են և հաղորդում են. կարելի է ուրեմն երևակայել, թէ ինչպիսի չափազանցութիւններով այդ ձիու դովքը կը հնչուէր Հայոց աշ-

4. Հասան Ջալալ Գոլայի եւ իւր տոճի մասին տեղեկութիւնները մենք քաղում ենք Ի. Ա. Орбели, Гасанъ Джалаля. князь Хаченскій (Извѣстія Императорской Академіи Наукъ, էջ 405—456 С-Петербург. 1909) սիրուն աշխատութիւնից: Հեղինակը քննելով մի ժողովրդական տւանդութիւն, որով այս Ջարեհը դառնում է ժամանակակից Աշոտ Ողորմածին (Ռոստոմբէլգ Երզնկեանց, Հնախօսական Տեղագր. Հաղբատայ, էջ 92—97. Վաղարշապատ 1886. Արտատպ. Արարատ Ամսագրից) եւ անհնարին համարելով այդպիսի կոպիտ սխալ մի կեղծած գրաւոր պղբի բովանակածում է եւ ււանդութեան իսկութեան վրայ (էջ 445. Ծանօթ. 4): Մենք յամենայն դէպս մի բան կարող ենք հաստատապէս ասել ի պաշտպանութիւն Երզնկեանի, որ նա այս ււանդութիւնը հաւանօրէն քաղել է Տփլիսի «Արարատ լրագրի 1850. շ. 6, էջ 84—84, շ. 7, էջ 104—107, շ. 9, էջ 124—125 «Արդար դատաստան Աշոտայ Հայոց Սագաւորի» անսորագիր պատմութեան, որի նիւթը, ճիշդ ինչպէս միեւնոյն լրագրի 1851 թուականի շ. 48, էջ 278—282 «Հնարաղիտութիւն Ամբոտ Հայոց Սագաւորի կնոջ՝ Մարիամ Պաղուհոյ» պատմութեան, անպայման ժողովրդական է (Հիմտ. էմիլեան Ազգագր. ժողովածու, Գ, § 44 «Գտածուրիկ փարէն» էջ 89—92), Բայց թէ ո՞վ է գրի աւել կամ շարադրել մնում է անյայտ: